



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 2. Desumpta ex cap. 6. lib. Exodi, in quo describitur querelæ Moysis, quòd illum non exaudiant filii Israël, & hinc eò minùs sit exaudiendus à Pharaone.

[urn:nbn:de:hbz:466:1-61252](#)

le incommoda , vel sexcenta pericula nil consequitur aliud , quām vanam gloriam, brevem honorem, aut perituras opes. In Mundo si vivis, saltem vive altior mundō , ut nunquam dicaris servus mundi. Dic: an unquam Deus tibi præceperit: ut Patriam , uxorem liberos amicosque deferas, & consensā navī furentibus procellis te comittas? hoc præcipit mundus avaris mercatoribus. Dic : quandonam Deus imperaverit, ut spretō omnī vitæ periculō ruas in medios ignes & enses? hoc imperat mundus suis militibus. Dic: quandonam mandavit Deus, ut non tantū totis diebus, sed etiam integris quandoque noctibus scribas, legas, speculeris ? hoc mandat mundus officiis suis. Si ergo laborem refugis, fuge mundum, si quietem appetis, quāre Deum, in quo est requies æterna.

Doctrina 2.

Desumpta ex cap. 6. lib. Exodi, in quo describuntur querele Moysis, quod illum non exaudiunt filii Israël, & hinc eò minus sit exaudiendus à Pharaone.

Considera: **Q**uòd Zelosi concionatores , libri spirituales & divinæ N.84. inspirationes, Christianos homines ad vitæ emendationem exhortantes , merito conquerari possint cum Moysè dicendō v. 12. cit. capit. Ecce ! filii Israël non exaudiunt me. Filii Israël, illi videlicet homines, qui gloriantur filiorum tuorum nomine, & quos ex tot millibus selegisti, ut eos verâ fide imbutos, aptos redderes salutis æternæ: quos tot gratiis prævenisti tot favoribus comitaris ; hi surdi sunt ad mille sacra & salutaria monita. Malum est: quòd infideles, notitiâ Dei carentes, sclera sceleribus accumulent ; sed quòd Christiani divinō lumine illustrati, tot verbis & exemplis ad sectandas virtutes & fugienda vitia animati, à peccando non desistant, & sui finis penitus obliti more pecorum vivant, ingens malum, immò malorum omnium extremum est. Quare merito talibus minatur Salvator Matth. 10. dicens: Tolerabilius erit terra Sodomorum &c. quia quò plura accipiunt beneficia, eo gravior erit exactio, & quò magis extollitur dignitas, utique eò magis exaggeratur ingratitudinis iniquitas. Levius est, Deum nescire, asserit Rupertus Abbas lib. 4. c. 13. quām cognitum irritare. Tolerabilius est viam Dei ignorare, quām post agnitam ire retrorsum. Hinc Pagani illius calvaria, quam S. Macarius in deserto reperit, de statu

O 2 ani-

animæ olim inhabitantis quæsita, respondit: illam quidem profundè admodum in Inferno locatam esse; cùm necessariâ ad salutem caruerit Dei veri notitiâ, verùm sub se alias, longè profundiori in loco positas habere animas, Judæorum videlicet, quibus Dei notitiam scriptura subministraverit. Alias demùm profundissimè Tartaro immensas esse, animas nempè Christianorum perversæ vitæ hominum, qui præter notitiam Dei & Evangelicæ Legis innumeris gratiis dotati, & sacris inspirationibüs ad bonum incitati: hæc tamen omnia nihil duixerint, pejores ipsis Idololatris & Judæis effecti. *Isræl me non cognovit*, lamentabatur semel Deus ore propheticō: idem nunc sexcenties lamentatur Christus, dum Christianorum vitam intuetur, tot peccatis conspurcatam, quot stellas cœlum numerat. Quid Israel, nisi homo videns Deum? & quid magis cæcō impetu ad ruinam, quam plurium Christianorum vita properat? cæci sunt, & Duces cæcorum. Nazarænos Christi Patriotas imitantur tales, quorum barbariem describit Evangelium Lucæ 4. *Ejecerunt eum*, Christum, extra civitatem. Si id præsumplissent exteri, nullis unquam beneficiis ab eo affecti, merebentur forte veniam: at factum hoc à Nazarænis, ut memini Patriotis Christi, tam frequentibus gratiis ab eo cumulatis, quæ poena satis expiabit? refert S. Vincent. Ferrer. Serm. 5. Dom. 16. post Trinit. Romæ exstisse quendam juvenem, qui Missam audiens: dum consecratam Hostiam elevaret Sacerdos, genua renuerit flectere, sed quantociùs irreverentia hujus rigidam dederit poenam, alapā impætū sibi à Dæmonē, dicente: *o proditor Christiane! pro quo tantum fecit Christus: si centesimam partem eorum fecisset pro nobis, quæ fecit pro vobis, nocte & die serviſſemus ei genibüs flexis.* Et hæc verba vix elocutus Dæmon, percussum vitâ penitus privavit. Merito itaque malos Christianos ipsis Dæmonibus pejores esse dixeris, utpote qui credunt, & contremiscunt: illi verò etsi credant in Christum, non tamen contremiscunt, non verentur injurii esse Christo; sed veniet aliquando tempus, quando ad tribunal tremendi Judicis vocati, audient ab illo: *statuam me contra faciem tuam. Ego sum Jesus, quem tu persequeris.* Act. 9. En habes tuis objectum oculis illum, cuius quidem nomen serebas, sed innumeris defodatum piaculis. *Ego sum via*, per quam tam facile tibi erat ire ad perpetuum gaudium. *Ego sum veritas*, quæ postquam ore propheticō locuta sum, compatiens ignorantiae tuæ de cœlo descendì, ut ore propriō tibi loquerer. Obscura fidei Mysteria declaravi; ut in singulis ad salu-

salutem necessariis te instructum, eò certius salvarem. Ego sum vita. Corpus meum in cibum tibi obtuli, ut eò dignè refectus viveres in æternum, & post tanta gratiarum effusa in te flumina conqueri cogor: Ego sum Jesus, quem tu persequeris? quid ad has querelas respondebit Christianus: nonne totò corpore tremens, ac stupens, horribili ejulatu suam execrabitur perfidiam?

Doctrina 3.

Desumpta ex cap. 7. lib. Exodi, in quo describitur Moysis assumptio in Deum Pharaonis: mutatio aquæ fluminis in sanguinem.

Considera 1. **Q**uomodo Moyses, qui paulò ante linguæ suæ bal. N.85. butientis defectum fuerat contestatus, cùm dignitate efferratur à Deo, ut non tantum Jūdex, sed Deus Pharaonis constituantur. Verba S. Scripturæ sunt, v. 1. h. cap. Ecce! constitui te Deum Pharaonis, & Aaron frater tuus erit Propheta tuus. Ita sane dignitate & honore neminem dignorem habet Deus, quām qui se illō indignum reputaverit. bona humilitas, ait S. Ambros. in Psal. 118. Serm. 14. que nihil appetendō, quod contemnit, adipiscitur, dum Gedeon ab Angelo proclamat Dux universi populi, respondet Judicum 6. In quo liberabo Israēl? ecce familia mea infima est in Manasse, & ego minimus in domo patris mei. Johannes Baptista declaratur maximus inter natos mulierum Joan. 1. qui tamen indignum se profitetur, ut Christo solvat corrigiam calceamentorum. Petrus à Christo in Petram, & totius Ecclesiæ militantis caput eligitur, qui tamen Lucæ 5. clamat: Exi à me Domine, quia peccator ego sum. Videbantur quidem Magi Āgyptiaci non solum primos inter homines, sed inter ipsos Deos ponendi, dum occultâ Dæmonis virtute virgas suas in serpentes convertere sunt visi: sed cùm id prodigii non absque grandi superbia & elatione animi factum sit ab illis; hinc unica virga humili Mihi Moysis omnes eorum virgas devoravit hujus cap. v. 13. Sic Deo nihil frequentius est: quam superbis resistere, humilibus autem dare gratiam & gloriam. Noverat hoc Philippus II. Hispaniæ Rex, & hinc in emblemate sibi pilam depingi voluit quæ jactata in altum, in humum delapsa resiliebat cum hac inscriptione: Percussa, & suppressa elevor. Deipara Virgo Brigittam Christo filio suo commendatura, ut eam cœlestibūs repleret donis,

O 3

audiit